



**RIBOLOVNA ASOCIJACIJA JPZ
FISHING ASSOCIATION ADRIATIC-DANUBIAN**

VI KUP



**JADRANSKO PODUNAVSKIH ZEMALJA
U MUŠIČARENJU ZA 2015. GODINU**



**10-13. septembar 2015. godine
Mostar - Blagaj - BiH**

VI KUP JADRANSKO PODUNAVSKIH ZEMALJA U MUŠIČARENJU ZA 2015. GODINU

Rijeka Buna, 10-13.09.2015. godine - Blagaj - Mostar, BiH

- ekipno i pojedinačno takmičenje za seniore -



LJUBO BEŠLIĆ

Gradonačelnik Mostara

Poštovani takmičari, dragi prijatelji i gosti,

Gradu Mostaru pripala je izuzetna čast i zadovoljstvo da bude domaćin VI KUP-a, Jadransko podunavskih zemalja u mušičarenju za 2015 godinu, u periodu od 10 do 13.09.2015 godine.

Za BiH i Grad Mostar, koji broji oko 111,364 stanovnika, koji je gospodarsko, kulturno, sveučilišno, prometno, a nadasve turističko središte, i glavni grad regije Hercegovine, koji je prepoznat u svijetu po nedavno održanoj manifestaciji „10 godina pod Unescom“, ovaj događaj je prigoda da se promocija Grada vrši i na ovaj način, organizirajući međunarodno takmičenje u jednoj zaista posebno interesantnoj sportskoj disciplini – mušičarenju.

Boraveći u gradu domaćinu svim takmičarima želim ugodan i prijatan boravak sa željom da upoznate sve ljepote po kojima je Grad Mostar sa okolinom poznat širom svijeta, da upoznate našu gostoljublju, i pruženu ruku prijateljstva, koje će zasigurno nastati tijekom dana održavanja natjecanja, a i poslije.

Posebice mi je drago što ova disciplina okuplja sve više ljubitelja svih polova i uzrasta, koji su istinski zaljubljenici i čuvari zdravog življenja i zaštite okoliša, što bi svima nama trebao biti životni cilj.

Dragi takmičari i gosti, želja mi je da ostvarite dobre sportske rezultate, i da Grad Mostar uvijek nosite u svom srcu, noseći najljepše utiske iz Grada Mostara i BiH.



NIKOLA PUCE

Predsjednik Organizacionog odbora SRS BiH

Poštovani prijatelji, uvaženi gosti, dame i gospodo, pripala mi je izuzetna čast da Vas u ime SRS BiH i svoje osobno ime, sve skupa pozdravim. Ovo je prvi put da Grad Mostar i Udruga ribolovaca „NERETVA 1933“ Mostar, budu domaćini jednog Međunarodnog natjecanja. Kao domaćini potrudili smo se da ovo natjecanje Vama ribolovcima ostane u najljepšem sjećanju.

Zahvaljujem se svima koji su dali svoj doprinos da VI JPK bude upamćen po dobrim rezultatima i lijepom druženju. Želim Vam ugodan boravak, da se ugodno osjećate, uz ribarski pozdrav „BISTRO“!



SULEJMAN ĆURIĆ

Predsjednik Organizacionog odbora USR "Neretva 1933"

Poštovani takmičari, dragi gosti, dame i gospodo, pozdravljam Vas u ime Udruge/Udruženja USR „NERETVA 1933“ Mostar, domaćina ovog takmičenja, koje je osnovano daleke 1906. g, pod nazivom „Društvo ribara“. Zbog poznatih političkih razloga u to vrijeme, Društvo nije moglo nositi naziv domaćih rijeka, planina i poznatih ličnosti. Po završetku velike svjetske ekonomske krize, Društvo ribara dobilo je naziv „NERETVA“ i po toj godini današnje Udruženje egzistira.

U ovom trenutku Udruženje broji 1600 članova i najmasovnija je Udruga na prostoru BiH, a djeluje kao jedinstvena Udruga na teritoriju cijelog Grada Mostara.

Ovom prilikom, želim Vam ugodan boravak, takmičarima puno uspjeha, a oni koji se po prvi put susreću sa rijekom Bunom da ponesu lijepe utiske, uz ribarski pozdrav „BISTRO“!

GRAD MOSTAR

domaćin takmičenja JPZ 2015. godine



O Mostaru

Gospodarsko, kulturno, sveučilišno, prometno i turističko središte Hercegovine. Podignut u cvjetnoj i vinorodnoj dolini rijeke Neretve ovaj grad je kamena ruža. Njegovu blagu klimu štite planine Velež, Čabulja i Hum. Nastao je oko Starog mosta koji je podignut 1566.godine u blizini nekadašnjeg lančanog mosta. Iz tog razdoblja i kasnije ostali su vrijedni spomenici kulture. Dolaskom austro-ugarske uprave u ove krajeve zatečeni zanatski način gospodarenja i specifične društvene odnose zamjenjuje industrijsko doba i grad doživljava intenzivnu graditeljsku aktivnost.

Novi način državnog upravljanja, novi materijali, konstrukcije, industrija, željeznica, putovi, javna rasvjeta, vodovod, mostovi, škole sve su to karakteristike Mostara na razmeđu XIX. i XX. stoljeća.

U vremenu poslije Drugog svjetskog rata, Mostar se nastavlja razvijati i narastao je do veličine od 126.000 stanovnika. U ekonomskoj oblasti nastaju respektabilni gospodarski kapaciteti kakvi su bili Soko, Aluminij, Hepok, Tekstilni kombinat, Tvornica duhana i dr.



Nažalost, u ratnom vremenu od 1992.-1995.god. Mostar je doživio strahovita razaranja i devastaciju, kakvu grad ne pamti od svoga nastanka. Tu sliku neposredno iza rata mnogi su poredali sa slikom stradanja Hirošime. Mostar je doživio teški urbicid ratnu i administrativnu podjelu, a gospodarski objekti i oprema su bili uništeni ili otuđeni tako da je bilo teško pokrenuti bilo kakvu aktivnost.

Zbog toga je Evropska Unija uspostavila svoju upravu u gradu ulažući značajna finansijska sredstva da bi se zaliječile ratne rane. Napravljeni su pomaci na obnovi infrastrukture, popravci kuća i zgrada te obnove zdravstvenih i objekata iz oblasti obrazovanja. Jedan je dio sredstava utrošen za pokretanje gospodarske aktivnosti te poticanje privatnog poduzetništva.



Danas Mostar svakim danom dobije na sadržajima i vraća svoj prijeratni izgled i značaj. Ne zapostavlja se niti jedan segment životnih potreba, ali se prioritetno nastoji poticati i stvarati povoljniji ambijent za razvoj gospodarstva. Posebno se želi poticati razvoj malih i srednjih poduzeća, a imaju li se u vidu položajne, klimatske, tradicijske, zemljišne, vodni potencijali i druge pogodnosti onda se može zaključiti da uz ljudske resurse i mediteranski temperament Mostar ima perspektivu. Uz sve poteškoće i manjkavosti koji prate privatizaciju Grad Mostar u kontinuitetu radi na strategiji ekonomskog razvoja grada, što bi u budućnosti trebalo donijeti Mostaru i njegovoj regiji imidž moderne europske sredine. Posebni naponi čine su u oblasti razvoja turizma gdje Mostar nakon obnove svoga simbola, Starog mosta, i njegovog uvrštavanja kao jedinog spomenika iz BiH na popis zaštićene kulturne baštine UNESCO-a, ima velike šanse.



BLAGAJ I RIJEKA BUNA

Samo 11km od Mostara, na rijeci Buni, nalazi se čaroban gradić Blagaj, srednjovjekovni grad iz koje je polovinom XV stoljeća nastala današnja Hercegovina. Sa ruševina, dijelom obnovljenog starog grada, ili kule Herceg Stjepana Kosače, pruža se prelijepa panorama doline Neretve, slika koja opravdava cijeli sat penjanja na vrh ovih ruševina.



U Blagaju je i čuveno vrelo rijeke Bune, najjači kraški izvor na teritoriju Evrope, s prosječnim godišnjim protokom vode od 43m^3 u sekundi. Voda izvire iz pećine široke 15m, iznad koje se uzdiže kamena litica visoka preko 200m. Izuzetno hladna, čista i bistra, predstavlja prirodno stanište i mrijestilište endemske vrste mekousne pastrmke.



U blizini samog izvora je izgrađena je i derviška tekija koja s okolnom prirodom čini jedinstvenu i neponovljivu cjelinu. Blagaj sa svojim starim gradom, predivnim pejzažom i spektakularnim izvorom rijeke Bune, jedno je od blaga koje nikako ne treba zaobići prolazeći kroz ovu regiju.


Navedene udaljenosti do Mostara

Blagaj 11 km
Sarajevo 125 km
Beograd 420 km
Zagreb 540 km
Podgorica 210 km
Skoplje 560 km
Ljubljana 590 km

Budimpešta 670 km
Beč 895 km

Bihać 304 km
Banja Luka 232 km
Livno 120 km
Brčko 295 km
Trebinje 115 km

KAKO DO NAS?



OPIS TAKMIČARSKE STAZE

Takmičarska staza se nalazi u mjestu Blagaj na rijeci Buni, udaljenoj 11 km od Mostara, u izuzetnom prirodnom okruženju, na izvoru rijeke Bune.

Dužina staze je 9 km. Odlikuje se po čistoj i pitkoj vodi, te pristupačnim terenima prikladnim za mušičarenje. Staza na kojoj će se održati takmičenje poznata je po bogatom autohtonom endemskom fondu salmonida rijeke Bune od kojih je najljepša Neretvanska mekousna pastrmka. Ujedno rijeka Buna je najveće prirodno mjestilište mekousne pastrmke. Pored ove vrste ribe u rijeci Buni obitavaju i potočna pastrmka, kalifornijska pastrmka, kljen, sval i jegulja.

Boduju se sve vrste ribe iznad 20 cm. Dozvoljene su sve tehnike lova udicom bez kontra kuke, otežanja većeg od dozvoljenog, skriveno na mušici-nimfi, a ulovljena riba se izvlači pomoću meredova (mreže). U svim sektorima, dozvoljen je lov samo jednom mušicom po slobodnom izboru. Takmičenje se održava u potpunosti u skladu sa pravilima FIPS - Mouche federacije i pravilima SRS BiH.



Sektor A se nalazi na samom izvoru rijeke Bune, sektor B na središnjici rijeke Bune i sektor C u donjem toku rijeke Bune prema ušću rijeke Bunice.

Cijelim tokom staza je ujednačena, pristupačna je za ribolov i bogata ribljim fondom. Na stazi je dominantna mekousna pastrmka.

Trening će se održati na rijeci Buni između sektora B i C.

Prosječna širina rijeke je 20 metara, a dubina 1,20 metra.

DOMAČIN TAKMIČENJA USR "Neretva 1933"

Udruženje/udruga je osnovano prije više od 100 godina, ali je zbog nepriznavanja Austrougarske vlasti da se daju imena udruženjima/udrugama, tek 1933. godine dala suglasnost da se udruga zove Udruženje sportskih ribolovaca "Neretva" Mostar koje je zadržano sve do 1992. godine. Pod sadašnjim imenom Udruženje/udruga djeluje od 2011. godine i najmasovnija je udruga/udruženje u BiH koje broji 1600 registrovanih članova i nosi naziv USR "Neretva 1933" Mostar. Djeluje na teritorijalnom prostoru Grada Mostara.



Adresa: Splitska 74A

Tel/fax: 036 319 063

e-mail: usrneretva1933@hotmail.com

SMJEŠTAJ TAKMIČARA I GOSTIJU

Motel "Villa Luxe" je novootvoreni objekat, koji se nalazi na samo 5 min. hoda od stare gradske jezgre i Starog mosta. Raspolažemo sa 10 soba i 2 studio apartmana. Ukupan kapacitet je 36 kreveta. Motel "Villa Luxe" je kategorisan kao objekat sa 4 zvijezdice.

Cijena noćenja sa doručkom po osobi iznosi 18,00 €.



VILLA LUXE
KANJINA 10, (BULEVAR) MOSTAR
KONTAKT TEL. 063/ 463833
KONTAKT OSOBA: Alen Gosto

Hotel ADA Blagaj

Organizacija svečanosti, zakuske, svadbe, seminare, koktele i dr. Poseban popust vrijedi za sve organizovane grupne dolaske.

Adresa: Blagaj b.b., 88200 Mostar
Radno vrijeme: Pon-Ned 7:00 - 23:00
ELFID TANOVIĆ - FIDA 061/106-206
MAJA TANOVIĆ SEFO 062/545-948
Telefon: +387 36 572 500
Email: hotelada@yahoo.com
Website: www.ada-hotel.com.ba



Vila Vienna

Cijena nocenja sa doruckom za jednu osobu iznosi 40 KM.
Kontakt telefon: +387 61 707 036 ili 063 021 717
e-mail: info@villa-vienna.com; web: villa-vienna.com



PROGRAM I SATNICA TAKMIČENJA

VI jadransko-podunavskog kupa u mušičarenju 2015.

Rijeka Buna - Blagaj - Mostar, BiH

I dan - Četvrtak, 10.09.2015.

Dolazak i smještaj učesnika takmičenja

II dan - Petak, 11.09.2015.

07:00 - 08:00 - doručak

09:00 - 12:00 - zvanični trening

14:00 - 15:00 - ručak

16:00 - sastanak vođa ekipa i žrijeb sektora

18:00 - ceremonija svečanog otvaranja

III dan - Subota 12.09.2015.

06:00 - 06:30 - doručak

07:00 - polazak prema takmičarskim stazama

08:00 - 11:00 - prva sesija

13:00 - ručak

15:00 - polazak prema takmičarskim stazama

16:00 - 19:00 - druga sesija

20:30 - večera

21:30 - sastanak kapitena

IV dan - Nedjelja, 13.09.2015.

06:00 - 06:30 - doručak

07:00 - polazak prema takmičarskim stazama

08:00 - 11:00 - treća sesija

14:00 - proglašenje pobjednika

15:00 - svečani ručak

17:00 - odlazak takmičara

UPUTE ZA UČESNIKE TAKMIČENJA

Prijava takmičarskih ekipa

Svaka ekipa sastoji se od 3 takmičara + rezervni takmičar + vođa ekipe.

Svaka država može da prijavi po tri ekipe.

Domaćin takmičenja SRS BiH ima pravo da prijavi četiri ekipe od 3 + 1 takmičara.

Svaka ekipa može imati svog trenera.

Prijava ekipa sa imenima takmičara (radi izrade akreditacija) mora se prijaviti u SRS BiH na adresu

Sportsko ribolovni savez Bosne i Hercegovine

Ulica: Ive Andrića 4

71123 Istočno Sarajevo

e-mail: srsbihk@gmail.com

Telefon/fax: +387 (0)57 34 02 72

Prijava takmičara

Pojedinačna prijava ekipa mora se prijaviti do 25.08.2015. godine na e-mail: srsbihk@gmail.com.

Plaćanje kotizacije:

Za svaku četvoročlanu ekipu (3+1) plaća se kotizacija u skladu sa članom 9. Pravilnika o takmičenju RAJP-a, za ovu disciplinu u iznosu od 250,00 eura po ekipi. Taj iznos ne obuhvata troškove trenera i drugih učesnika takmičenja.

Kotizacija obuhvata troškove za organizaciju takmičenja, dozvole za ribolov, otvaranje i zatvaranje takmičenja, pehare, medalje i zajednički banket (ručak).

Uplata kotizacije - način i termin:

Uplate se moraju izvršiti najkasnije do 25.08.2015. godine na račun SRS BiH:

Raiffeisen bank d.d. Sarajevo

IBAN CODE: BA391611000001273183

SWIFT CODE: RZBABA2S

Proglašenje rezultata takmičenja

- Svi rezultati, poslije svakog sektora biće kompjuterski obrađeni i dostavljeni svakom vođi ekipe.

- Zbirni podaci biće dostavljeni ekipno i pojedinačno svakom takmičaru putem biltena broj 2 na banketu (svečanom ručku) u nedjelju 13.09.2015. godine.

- Priznanja primaju najbolje tri (3) ekipe i najbolja (3) pojednica. Pobjednička ekipa prima prelazni pehar KUP-a Jadransko podunavskih zemalja za 2015. godinu i zadržava ga kod sebe do naredne godine.

- Sve rezultate objavićemo poslije takmičenja na web sajtu www.srsbih.com

NAPOMENA:

Učesnici takmičenja dužni su sa sobom donijeti zastavu i himnu zemlje koju predstavljaju.

PRIJAVA EKIPA I ČLANOVA EKIPE

Obrazac 1.

NAZIV EKIPE	
DRŽAVA IZ KOJE EKIPA DOLAZI	
DATUM PRIJAVE:	POTPIS MANAGERA:

FUNKCIJA U EKIPU	PREZIME	IME
1. TAKMIČAR		
2. TAKMIČAR		
3. TAKMIČAR		
4. REZERVNI TAKMIČAR		
TRENER		
GOST		

PRIJAVA:

Molimo da prijavite ekipe od (3+1) takmičar, najkasnije do 25.08.2015.

Prijave (popunjen obrazac 1.) poslati elektronskim putem na e-mail adresu: srsbihk@gmail.com



RIJEKA BUNA



Pravoslavna crkva u Blagaju



Džamija



Franjevački samostan u Mostaru



Mostarska gimnazija i Španjolski trg



Međugorje

SPONZORI TAKMIČENJA



Grad Mostar



Ministarstvo poljoprivrede,
šumarstva i vodoprivrede HNK/Ž



Turistička zajednica
HNŽ/K



Salakovac bb
88000 Mostar
Bosna i Hercegovina

www.laks.co.ba



HT ERONET

RIBOGOJIŠTE
MODENA
DOO KONJIC